

სსიპ „ილია წინამძღვრიშვილის სახელობის
საზოგადოებრივი კოლეჯი“



სატენდერო დოკუმენტაცია

(CPV - 45200000)

მთლიანი ან ნაწილობრივი სამშენებლო სამუშაოები და სამოქალაქო მშენებლობის
სამუშაოები

ელექტრონული ტენდერი

თბილისი, 2016

1. ინსტრუქცია ტენდერში მონაწილეთათვის

- 1.1 სახელმწიფო შესყიდვების ერთიან ელექტრონულ სისტემაში შესყიდვის პროცედურები ხორციელდება „სახელმწიფო შესყიდვების შესახებ“ საქართველოს კანონის და სახელმწიფო შესყიდვების სააგენტოს თავმჯდომარის 2011 წლის 7 აპრილის 9 ბრძანებით დამტკიცებული „გამარტივებული ელექტრონული ტენდერისა და ელექტრონული ტენდერის ჩატარების წესის“ შესაბამისად.
- 1.2 ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ქართულ ენაზე დედანის სახით ან ნოტარიულად დამოწმებული ასლები. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.
- 1.3 დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის პრიორიტეტის მინიჭების საკითხს წყვეტს სატენდერო კომისია.
- 1.4 სახელმწიფო შესყიდვების ერთიან ელექტრონულ სისტემაში ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული (ბეჭდის არსებობის შემთხვევაში) უნდა იყოს უფლებამოსილი პირის მიერ.
- 1.5 ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.
- 1.6 იმ შემთხვევაში, თუ სატენდერო დოკუმენტაციაში მითითებული შესყიდვის ობიექტის ტექნიკური და ხარისხობრივი მახასიათებლების აღწერისას გამოყენებული იქნება სასაქონლო ნიშანი, მოდელი, პატენტი ან მწარმოებელი კომპანია, ასეთ შემთხვევაში აღნიშნული ტერმინები გამოყენებულია „მსგავსისა“ და „ექვივალენტურის“ მნიშვნელობით და არ მიუთითებს კონკრეტულ პროდუქციაზე.
- 1.7 ყველაზე დაბალი წინადადების ფასის მქონე პრეტენდენტის მიერ სისტემაში დაფიქსირებულ საბოლოო ფასსა და შესყიდვის სავარაუდო ღირებულებას შორის 20%-ით ან მეტით სხვაობის შემთხვევაში, პრეტენდენტმა შემსყიდველი ორგანიზაციის მოთხოვნისას უნდა დაასაბუთოს ფასწარმოქმნის ადეკვატურობა და ამ ფასად სამუშაოს შესრულების შესაძლებლობა ექსპერტიზის დასკვნის წარმოდგენით, რომელიც გაცემული უნდა იყოს ლევან სამხარაულის სახელობის ექსპერტიზის ეროვნული ბიუროს ან სხვა აკრედიტებული პირის მიერ.
- 1.8 პრეტენდენტს არა აქვს უფლება წარმოადგინოს ალტერნატიული წინადადება.
- 1.9 სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია ერთიანი ელექტრონული სისტემის მოდულის - „კითხვა/პასუხი“ მეშვეობით, ან/და სატენდერო კომისიის აპარატში, წერილობითი მიმართვის შემთხვევაში, შემდეგ ელექტრონულ მისამართზე: tmkprocurement@gmail.com. ინფორმაციის გაცემაზე პასუხისმგებელი პირი: ოთარ გარდაფხაძე, მობ: 577 55 61 76.

2. ტექნიკური დავალება

- 2.1 შესყიდვის ობიექტია სსიპ „ილია წინამძღვრიშვილის სახელობის საზოგადოებრივი კოლეჯი“-ს წყალმომარაგებისათვის, წყლის სისტემის შიდა ქსელის მოწყობის სამუშაოების სახელმწიფო შესყიდვა.
- 2.2 სამუშაოების შესრულების ადგილია მცხეთა-მთიანეთის რეგიონი, სოფ. წინამძღვრიანთკარი, სსიპ „ილია წინამძღვრიშვილის სახელობის საზოგადოებრივი კოლეჯი“-ს ტერიტორია (საკადასტრო კოდი: 72.04.04.321).
- 2.3 სამუშაოების შესრულების ვადა განისაზღვრება ხელშეკრულების გაფორმებიდან არაუგვიანეს 60 კალენდარული დღის ჩათვლით.

შენიშვნა: შესრულებულ სამუშაოსთან დაკავშირებით უნდა გაიცეს არანაკლებ 3 წლიანი გარანტია, მიღება-ჩაბარების აქტის გაფორმებიდან. საგარანტიო პერიოდში დეფექტის გამოვლენის შემთხვევაში

მიმწოდებელმა სრულად უნდა აღმოფხვრას იგი საკუთარი ხარჯებით, რისთვისაც შემსყიდველი მას წერილობითი შეტყობინებით განუსაზღვრავს გონივრულ ვადას.

3. საკვალიფიკაციო მოთხოვნები

3.1. საკვალიფიკაციო მოთხოვნები მეწარმე სუბიექტებისათვის:

- ა) ცნობა შესაბამისი ორგანოდან, რომ პრეტენდენტის მიმართ არ მიმდინარეობს გადახდისუუნარობის საქმის წარმოება;
- ბ) ცნობა შესაბამისი ორგანოდან ბიუჯეტის წინაშე დავალიანების არარსებობის შესახებ.
- გ) ცნობა შესაბამისი ორგანოდან, რომ არ მიმდინარეობს პრეტენდენტის რეორგანიზაცია/ლიკვიდაცია;

3.2. საკვალიფიკაციო მოთხოვნები ფიზიკური პირებისათვის:

- ა) ცნობა შესაბამისი უფლებამოსილი ორგანოდან ბიუჯეტის წინაშე დავალიანების არარსებობის შესახებ.
- ბ) ცნობა შესაბამისი ორგანოდან, რომ პრეტენდენტის მიმართ არ მიმდინარეობს გადახდისუუნარობის საქმის წარმოება;

3.3 არარეზიდენტი პირები წარმოადგენენ საქართველოს მოქალაქისათვის ან საქართველოში რეგისტრირებული საწარმოსათვის დადგენილ ეკვივალენტურ მონაცემებს, რომლებიც სათანადო წესით იქნება დამოწმებული ან ლეგალიზებული.

3.4 საჯარო სამართლის იურიდიული პირი წარმოადგენს მისი შექმნის თაობაზე ძალაში მყოფ შესაბამის დოკუმენტს.

შენიშვნა: პრეტენდენტის მიერ წარმოსადგენი საკვალიფიკაციო მონაცემების დამადასტურებელი დოკუმენტები გაცემული უნდა იყოს ტენდერის ეტაპის „წინადადებების მიღება დაწყებულია“ დაწყების შემდეგ, ხოლო არარეზიდენტი პრეტენდენტის შემთხვევაში - „წინადადებების მიღება დაწყებულია“ ეტაპის დაწყებამდე არა უგვიანეს ოცდაათი დღისა.

4. ტექნიკური დოკუმენტაცია

4.1. პრეტენდენტმა ტექნიკური დოკუმენტაციის სახით ერთიან ელექტრონულ სისტემაში უნდა ატვირთოს შემდეგი დოკუმენტები და ინფორმაცია:

- ა) რეკვიზიტები დანართი №1 შესაბამისად.
- ბ) შესასრულებელი სამუშაოების ხარჯთაღრიცხვა (დანართი №2-ის მიხედვით).
- გ) მიმწოდებელმა უნდა წარმოადგინოს არანაკლებ ერთი დადებითი რეკომენდაცია დამკვეთი ორგანიზაციიდან მის მიერ ბოლო სამი წლის განმავლობაში ერთი ხელშეკრულების ფარგლებში წყლის სისტემების მშენებლობის ან/და რეაბილიტაციის სამუშაოების ჯეროვნად შესრულების შესახებ. ამასთან, ასეთი შესრულებული სამუშაოს მოცულობა უნდა შეადგენდეს შესყიდვის სავარაუდო ღირებულების არანაკლებ 50%-ის ოდენობას.
- დ) მიმწოდებელს 2012 წლის პირველი იანვრიდან წინადადების წარდგენის დღემდე უნდა ჰქონდეს არანაკლებ 1 500 000 ლარის საერთო ბრუნვა, აღნიშნულის დასტურად, პრეტენდენტმა ელექტრონულ სისტემაში უნდა ატვირთოს ხელშეკრულებები, საბოლოო მიღება-ჩაბარების აქტები ან/და შესაბამისი SPA/CMR ნომრები.

5. ანგარიშსწორების პირობები

- 5.1. ანგარიშსწორება მოხდება უნაღდო ანგარიშსწორებით ლარში.
- 5.2. მიმწოდებლის მოთხოვნის შემთხვევაში განხორციელდება საავანსო ანგარიშსწორება ხელშეკრულების ჯამური ღირებულების არაუმეტეს 30%-ის ოდენობით, რაზეც წარმოდგენილი უნდა იქნეს საბანკო გარანტია.

საბანკო გარანტიის მოქმედების ვადა 30 კალენდარული დღით უნდა აღემატებოდეს ხელშეკრულების მოქმედების ვადას.

5.3. შესრულებულ სამუშაოზე საბოლოო ანგარიშსწორება განხორციელდება მხარეთა შორის საბოლოო მიღება-ჩაბარების აქტის გაფორმებიდან არაუგვიანეს 10 სამუშაო დღის ვადაში, ფაქტიურად შესრულებული სამუშაოების მოცულობისა და ხარისხის დამადასტურებელი დოკუმენტის საფუძველზე, რომელიც გაცემული უნდა იყოს სსიპ ლევან სამხარაულის სახელობის სასამართლო ექსპერტიზის ეროვნული ბიუროს ან სხვა აკრედიტებული პირის მიერ. შემსყიდველი უფლებამოსილია ექსპერტიზის დასკვნის წარმოდგენამდე შეაჩეროს შესრულებულ სამუშაოზე საბოლოო ანგარიშსწორება ხელშეკრულების ღირებულების 20%-ის ოდენობით.

5.4. შემსყიდველი შუალედურ ანგარიშსწორებას ახორციელებს ეტაპობრივად, ფორმა №2-ის, ფორმა №3-ის, შუალედური მიღება-ჩაბარების აქტის და კანონმდებლობით გათვალისწინებული სხვა დოკუმენტაციის (მათ შორის ფარული სამუშაოების ჩატარების აქტი, ასეთი სამუშაოს შესრულების შემთხვევაში და ანგარიშფაქტურა) წარმოდგენის საფუძველზე, შუალედური მიღება-ჩაბარების აქტის გაფორმებიდან 10 სამუშაო დღის განმავლობაში, მას შემდეგ, როდესაც გაიქვითება საავანსო თანხის სრული მოცულობა;

5.5. ტენდერში გამოყენებული იქნება ხელშეკრულების შესრულების უზრუნველყოფის გარანტია, ხელშეკრულების საერთო ღირებულების 2.5%-ის ოდენობით. ხელშეკრულების შესრულების უზრუნველყოფის საბანკო გარანტიის მოქმედების ვადა 30 კალენდარული დღით უნდა აღემატებოდეს ხელშეკრულების მოქმედების ვადას.

5.6. იმ შემთხვევაში თუ ტენდერში ელექტრონული ვაჭრობის შედეგად პრეტენდენტის მიერ სისტემაში დაფიქსირებული საბოლოო ფასი 20%-ზე მეტით დაბალი იქნება შესყიდვის ობიექტის სავარაუდო ღირებულებაზე, გამოიყენება ხელშეკრულების შესრულების უზრუნველყოფის გარანტია, ხელშეკრულების საერთო ღირებულების 5%-ის ოდენობით, რომლის მოქმედების ვადა 30 კალენდარული დღით უნდა აღემატებოდეს ხელშეკრულების მოქმედების ვადას.

5.7. ხელშეკრულების შესრულების უზრუნველყოფის საბანკო გარანტია შემსყიდველ ორგანიზაციას უნდა წარედგინოს ხელშეკრულების დადებამდე.

5.8. თუ პრეტენდენტის მიერ წარმოდგენილ ხარჯთაღრიცხვაში შესასრულებელი სამუშაოების ღირებულება გადანაწილებული იქნება ტენდენციურად, რითაც აშკარად იკვეთება პრეტენდენტის სურვილი წინსწრებით მიიღოს შესრულებული სამუშაოების ღირებულების შეუსაბამო ოდენობა, შემსყიდველი უფლებამოსილია განახორციელოს პრეტენდენტის დისკვალიფიკაცია არაკეთილსინდისიერი ქმედების გამო.

5.9. შესყიდვის ობიექტის სავარაუდო ღირებულება შეადგენს 241,610 (ორასორმოცდაერთიათას ექვსასათი) ლარს, რომელიც მოიცავს სამუშაოს შესრულებასთან დაკავშირებულ ყველა ხარჯს (მათ შორის ექსპერტიზის დასკვნის ღირებულება) და საქართველოს კანონმდებლობით დადგენილ გადასახადებს.

ხელშეკრულების პროექტი

ხელშეკრულება №
სახელმწიფო შესყიდვის შესახებ
ელექტრონული ტენდერი SPA

ქ. თბილისი

2016 წ.

ერთის მხრივ სსიპ „ილია წინამძღვრიშვილის სახელობის საზოგადოებრივი კოლეჯი“ წარმოდგენილი დირექტორის თეიმურაზ ასათიანის სახით (შემდგომში – შემსყიდველი) და მეორეს მხრივ ----(შემდგომში – მიმწოდებელი), ვხელმძღვანელობთ რა საქართველოში მოქმედი კანონმდებლობით, ვდებთ წინამდებარე ხელშეკრულებას შემდეგზე:

მუხლი 1. ხელშეკრულებაში გამოყენებულ ტერმინთა განმარტება

წინამდებარე ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. „ხელშეკრულება სახელმწიფო შესყიდვის შესახებ“ (შემდგომში – ხელშეკრულება) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით, რომელიც მოხსენიებულია წინამდებარე ხელშეკრულებაში.
- 1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ – კალენდარული დღე, კვირა, თვე.
- 1.4. „შემსყიდველი“ – ორგანიზაცია, რომელიც ახორციელებს შესყიდვას.
- 1.5. მიმწოდებელი – პირი, რომელიც ახორციელებს ხელშეკრულებით გათვალისწინებული სამუშაოს მიწოდებას.
- 1.6. „სამუშაო“ – ხელშეკრულების მე-2 მუხლით გათვალისწინებული ხელშეკრულების საგანი.
- 1.7. „ინსპექტირება“ – ხელშეკრულების პირობების შესრულების კონტროლი.

მუხლი 2. ხელშეკრულების საგანი

- 2.1 ხელშეკრულების საგანია საკუთარი სახსრებით, სსიპ „ილია წინამძღვრიშვილის სახელობის საზოგადოებრივი კოლეჯი“-ს წყალმომარაგების მიზნით, წყლის შიდა ქსელის მოწყობის სამუშაოების სახელმწიფო შესყიდვა, ელექტრონულ ტენდერში (SPA ---) ატვირთული საპროექტო დოკუმენტაციისა და ამ ხელშეკრულების თანდართული სახარჯთაღრიცხვო დოკუმენტაციის საფუძველზე, რომლებიც წარმოადგენენ ამავე ხელშეკრულების განუყოფელ ნაწილს.
- 2.2. კლასიფიკატორის კოდი: CPV - 452 00000;

მუხლი 3. ხელშეკრულების ღირებულება

- 3.1. ხელშეკრულების ღირებულება შეადგენს ----- (---) ლარს.
- 3.2. ხელშეკრულების ღირებულება მოიცავს წყლის შიდა ქსელის მოწყობის სამუშაოებს, ასევე მის შესრულებასთან დაკავშირებით გასაწევ ყველა ხარჯს და საქართველოს კანონმდებლობით გათვალისწინებულ გადასახადებს.

მუხლი 4. სამუშაოს შესრულების ადგილი და დასრულების ვადა

- 4.1. სამუშაოს შესრულების ადგილია მცხეთა-მთიანეთის რეგიონი, სოფელი წინამძღვრიანთკარი, (საკადასტრო კოდი: 72.04.04.321).
- 4.2. სამუშაოები უნდა დასრულდეს ხელშეკრულების გაფორმებიდან 60 კალენდარულ დღეში.

მუხლი 5. სამუშაოს მიღება-ჩაბარება

- 5.1. სამუშაოს მიღება-ჩაბარება განხორციელდება მთლიანად ან ეტაპობრივად, სამუშაოს შესრულების დამადასტურებელი ფორმა N2-ის, ფორმა N3-ის და შუალედური მიღება-ჩაბარების აქტის, ასევე კანონმდებლობით გათვალისწინებული სხვა დოკუმენტაციის (მათ შორის ფარული სამუშაოების ჩატარების აქტი, ასეთი სამუშაოს შესრულების შემთხვევაში; ანგარიშგაქტურა) წარმოდგენის საფუძველზე.
- 5.2. შესრულებული სამუშაოს საბოლოო მიღება-ჩაბარება მოხდება სსიპ „ლევან სამხარაულის სახელობის სასამართლო ექსპერტიზის ეროვნული ბიუროს“ ან სხვა აკრედიტებული პირის მიერ ფაქტობრივად შესრულებული სამუშაოების

სახარჯთაღრიცხვო დოკუმენტაციასთან შესაბამისობის თაობაზე გაცემული დასკვნის, ფორმა №2-ის, ფორმა №3-ისა და მიღება-ჩაბარების აქტის საფუძველზე.

5.3. შემსყიდველი ვალდებულია ოპერატიულად, წერილობითი სახით აცნობოს მიმწოდებელს საბოლოო შემოწმების შედეგები (ასევე დაწუნებული სამუშაოს ნაწილის (ეტაპის) და წუნდების მიზეზის მითითებით, ასეთის არსებობის შემთხვევაში).

5.4. შესყიდვის ობიექტის (მისი ნაწილის) მიღების და/ან საბოლოო შემოწმების შედეგად გამოვლენილი ხარვეზების აღმოფხვრას საკუთარი ხარჯებით უზრუნველყოფს მიმწოდებელი.

მუხლი 6. ანგარიშსწორება

6.1. ანგარიშსწორება ხორციელდება უნაღდო ანგარიშსწორებით ლარებში.

6.2. მიმწოდებლის მოთხოვნის შემთხვევაში განხორციელდება საავანსო ანგარიშსწორება ხელშეკრულების ჯამური ღირებულების არაუმეტეს 30%-ის ოდენობით. გარანტიის მოქმედების ვადა 30 კალენდარული დღით უნდა აღემატებოდეს ხელშეკრულების მოქმედების ვადას.

6.3. შემსყიდველი შუალედურ ანგარიშსწორებას ახორციელებს ეტაპობრივად, ფორმა N2-ის, ფორმა N3-ის ანგარიშ-ფაქტურის წარმოდგენისა და მიღება-ჩაბარების აქტის გაფორმებიდან 10 სამუშაო დღის განმავლობაში მას შემდეგ, როდესაც გაიქვითება საავანსო თანხის სრული მოცულობა;

6.4. შესრულებულ სამუშაოზე საბოლოო ანგარიშსწორება განხორციელდება მხარეთა შორის მიღება-ჩაბარების აქტის გაფორმებიდან არაუგვიანეს 30 სამუშაო დღის ვადაში, ფაქტიურად შესრულებული სამუშაოების სახარჯთაღრიცხვო ღირებულების დამდასტურებელი დოკუმენტის საფუძველზე, რომელიც გაცემული უნდა იყოს სსიპ ლევან სამხარაულის სახელობის სასამართლო ექსპერტიზის ეროვნული ბიუროს ან სხვა აკრედიტებული პირის მიერ. შემსყიდველი უფლებამოსილია ექსპერტიზის დასკვნის წარმოდგენამდე შეაჩეროს შესრულებულ სამუშაოზე საბოლოო ანგარიშსწორება ხელშეკრულების ღირებულების 20%-ის ოდენობით.

6.5. შესრულებული ფარული სამუშაოების ღირებულება ანაზღაურდება ფარული სამუშაოების ჩატარების აქტით (ფარული სამუშაოების შესრულების შემთხვევაში) და კანონმდებლობით გათვალისწინებული სხვა შესაბამისი დოკუმენტაციით.

6.6. იმ შემთხვევაში, თუ შემსყიდველის მიერ „მიმწოდებლისათვის“ ჯამურად გადახდილი თანხა აღემატება სსიპ „ლევან სამხარაულის სახელობის სასამართლო ექსპერტიზის ეროვნული ბიუროს“ ან სხვა აკრედიტებული პირის დასკვნაში მოცემულ სამუშაოს საბოლოო ღირებულებას, მიმწოდებელი ვალდებულია შემსყიდველს დაუბრუნოს მეტობით მიღებული თანხა, წერილობითი მოთხოვნიდან 10 (ათი) სამუშაო დღის ვადაში.

მუხლი 7. გარანტია

7.1. შესრულებული სამუშაოს ხარისხზე მიმწოდებლის მიერ ვრცელდება 3 წლიანი გარანტია საბოლოო მიღება-ჩაბარების აქტის გაფორმების დღიდან:

7.2. საგარანტო ვადის განმავლობაში, მიმწოდებელი ვალდებულია, შემსყიდველის მიერ წერილობითი სახით განსაზღვრულ გონივრულ ვადაში საკუთარი ხარჯებით უზრუნველყოს გამოვლენილი დეფექტის აღმოფხვრა.

მუხლი 8. ხელშეკრულების შესრულების უზრუნველყოფის გარანტია

8.1. იმისათვის, რომ თავიდან იქნეს აცილებული რისკი, წარმოქმნილი „მიმწოდებლის“ მიერ ხელშეკრულების შეუსრულებლობის გამო, ხელშეკრულების შესრულების უზრუნველსაყოფად გამოყენებულია ხელშეკრულების შესრულების უზრუნველყოფის საბანკო გარანტია, ხელშეკრულების საერთო ღირებულების 2,5%-ის ოდენობით, რომლის მოქმედების ვადაც 30 (ოცდაათი) კალენდარული დღით აღემატება ხელშეკრულების მოქმედების ვადას.

8.2. მიმწოდებლის მიერ ხელშეკრულებით გათვალისწინებული ვალდებულებების დარღვევის შემთხვევაში, ხელშეკრულების შესრულების უზრუნველყოფის გარანტიის თანხა გადაეცემა შემსყიდველს.

8.3. მიმწოდებელს ხელშეკრულების შესრულების უზრუნველყოფის გარანტია, ხელშეკრულებით გათვალისწინებული ვალდებულებების სრული და ჯეროვანი შესრულების შემთხვევაში, დაუბრუნდება საბოლოო ანგარიშსწორებიდან 30 (ოცდაათი) კალენდარული დღის ვადაში.

მუხლი 9. მხარეთა უფლება-მოვალეობები

9.1. შემსყიდველი უფლებამოსილია:

ა) ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულების მიმდინარეობისა და ხარისხის ინსპექტირება.

ბ) დაუყოვნებლივ აცნობოს მიმწოდებელს რაიმე დეფექტის ან ნაკლის აღმოჩენის შესახებ.

9.2. შემსყიდველი ვალდებულია:

ა) უზრუნველყოს გაწეული სამუშაოს ღირებულების ანაზღაურება ხელშეკრულებით გათვალისწინებული პირობებისა და ვადების დაცვით.

9.3. მიმწოდებელი უფლებამოსილია:

ა) მოსთხოვოს შემსყიდველს სამუშაოს ღირებულების ანაზღაურება ხელშეკრულებით გათვალისწინებული პირობებისა და ვადის დაცვით.

9.4. მიმწოდებელი ვალდებულია:

ა) შეასრულოს სამუშაო ჯეროვნად, კეთილსინდისიერად, ხარისხიანად და სრულად.

ბ) შემსყიდველის მიერ გამოვლენილი დეფექტი, ნაკლი ან/და უხარისხოდ შესრულებული სამუშაო აღმოფხვრას შემსყიდველის მიერ წერილობითი შეტყობინებით განსაზღვრულ გონივრულ ვადაში, საკუთარი სახსრებით.

გ) შესრულებული სამუშაოს ღირებულების საპროექტო-სახარჯთაღრიცხვო დოკუმენტაციასთან შესაბამისობის დადგენის მიზნით, გეგმა-გრაფიკით გათვალისწინებული სამუშაოების საბოლოო დასრულების ვადის გასვლიდან არა უმეტეს 30 (ოცდაათი) სამუშაო დღის ვადაში შემსყიდველს წარუდგინოს სსიპ – „ლევან სამხარაულის სახელობის სასამართლო-ექსპერტიზის ეროვნულ ბიუროს“ ან სხვა აკრედიტებული პირის მიერ გაცემული ექსპერტიზის დასკვნა.

დ) შემსყიდველს დაუყოვნებლივ, წერილობით აცნობოს სამუშაოების დამთავრების შესახებ და წარმოადგინოს ხელშეკრულების პირობებით განსაზღვრული შესაბამისი დოკუმენტაცია, მათ შორის, მიმართვა (წერილის ასლი) გაგზავნილი სსიპ – „ლევან სამხარაულის სახელობის სასამართლო ექსპერტიზის ეროვნულ ბიუროსადმი“ ან სხვა აკრედიტებული პირისადმი შესრულებული სამუშაოების ექსპერტიზის ჩატარების თაობაზე.

ე) სამუშაოს დასრულებისთანავე გაათავისუფლოს სამშენებლო მოედნის სრული ტერიტორია სამშენებლო მოწყობილობა-დანადგარებისაგან და სხვადასხვა ნარჩენებისაგან, ასევე დაიცვას და უზრუნველყოს სამშენებლო მოედნის ფარგლებში მდებარე ხეებისა და მცენარეების დაუზიანებლობა და სიცოცხლისუნარიანობა, მინიმუმამდე დაიყვანოს მუშაობით გამოწვეული ხმაურის, ვიბრაციისა და მტერის გარემოზე გავლენა.

ვ) დაიცვას საქართველოს კანონმდებლობით სამშენებლო სამუშაოების წარმოებისათვის განსაზღვრული ნორმები, მათ შორის შრომის უსაფრთხოება.

ზ) მიმწოდებელი ვალდებულია ფარული სამუშაოები აწარმოოს შემსყიდველის მიერ ხელშეკრულებით ინსპექტირებისათვის განსაზღვრული პირ(ებ)ის ზედამხედველობის ქვეშ, ამასთან წინასწარ 2 (ორი) სამუშაო დღით ადრე, წერილობით ან ზეპირი საშუალებით აცნობოს შემსყიდველს აღნიშნული სამუშაოების შესრულების თარიღის შესახებ. იმ შემთხვევაში თუ ვერ ხერხდება შემსყიდველის მხრიდან ინსპექტირებაზე უფლებამოსილი პირის დასწრება ფარული სამუშაოების მიმდინარეობისას, ფარული სამუშაოების მიმდინარეობაზე ზედამხედველობა შესაძლებელია განახორციელოს შემსყიდველის მიერ განსაზღვრულმა სხვა პირმა. მიმწოდებელი ვალდებულია შემსყიდველს წარმოუდგინოს შესაბამისი მიღება-ჩაბარების აქტთან ერთად ფარული სამუშაოების ჩატარების აქტი.

თ) შემსყიდველის მოთხოვნის შემთხვევაში მიაწოდოს შესაბამისი სერტიფიკატები სამუშაოების შესრულების პროცესში გამოყენებულ მასალებსა და მოწყობილობებზე (მათი არსებობის შემთხვევაში);

ი) გამოყენებული მასალებისა და მოწყობილობების ტიპი და ვიზუალურ-ტექნიკური მახასიათებლები (ხარისხი, ფაქტურა, ფერი და სხვა) შეუთანხმოს შემსყიდველს მოთხოვნის შემთხვევაში.

კ) გადაიხადოს კომუნალური გადასახადები, რომლის ოდენობა ელექტროენერგიის შემთხვევაში გამოითვლება შემდეგნაირად: მრიცხველზე დაფიქსირებულ მაჩვენებელს გამოაკლდება შემსყიდველის საკუთრებაში არსებული დანადგარების/ტექნიკის ელექტრომომხმარებლის მაქსიმალურ მაჩვენებელთა ჯამის ნამრავლი 8 საათსა და სამუშაო დღეთა რაოდენობაზე თვის განმავლობაში, დარჩენილი სხვაობის ღირებულება გადახდილ იქნება მიმწოდებლის მიერ.

მუხლი 10. მხარეთა პასუხისმგებლობა

10.1. ხელშეკრულებით მხარეთა მიერ ნაკისრი ვალდებულებების შეუსრულებლობის შემთხვევაში, მხარეებს დაეკისრებათ პასუხისმგებლობა კანონმდებლობით გათვალისწინებული წესით.

10.2. ხელშეკრულებით გათვალისწინებული ვალდებულების შესრულების ვადის გადაცილების შემთხვევაში მხარეებს ეკისრებათ პასუხისმგებლობა ყოველ ვადაგადაცილებულ დღეზე ხელშეკრულების ღირებულების 0.25%-ის ოდენობით.

10.3. შემსყიდველი უფლებამოსილია მიმწოდებლის მხრიდან ხელშეკრულებით ნაკისრი ვალდებულებების სრულად ან ნაწილობრივ შეუსრულებლობის შემთხვევაში (თუ შემსყიდველის წერილობით მიმართვას ვალდებულების შესრულების თაობაზე არ მოყვება შესაბამისი შედეგი) , ცალმხრივად შეწყვიტოს ხელშეკრულება და მიმწოდებელს დააკისროს ჯარიმა ხელშეკრულების ღირებულების 20%-ის ოდენობით.

10.4. შემსყიდველს უფლება აქვს ცალმხრივად შეწყვიტოს ხელშეკრულება, თუკი იგი ვერ უზრუნველყოფს საკუთარი ვალდებულების შესრულებას მისგან დამოუკიდებელი მიზეზებით.

10.5. თუ მიმწოდებლის მიერ წარდგენილი საკვალიფიკაციო მონაცემების დამადასტურებელი დოკუმენტები ყალბი აღმოჩნდება ან/და დაიწყება გადახდისუნარიანობის საქმის წარმოება მიმწოდებლის მიმართ შემსყიდველს უფლება აქვს ცალმხრივად შეწყვიტოს ხელშეკრულება ამ მუხლის 10.3 პუნქტის შესაბამისად.

10.6 ხელშეკრულების 10.3, 10.4 და 10.5 მუხლებით გათვალისწინებული პირობების შემთხვევაში შემსყიდველი მიმწოდებელს აუნაზღაურებს ფაქტობრივად შესრულებულ სამუშაოს სსიპ „ლევან სამხარაულის სახელობის სასამართლო ექსპერტიზის ეროვნული ბიუროს“ ან სხვა აკრედიტებული პირის მიერ გაცემული ექსპერტიზის დასკვნის საფუძველზე.

მუხლი 11. ინსპექტირება

11.1. შემსყიდველი უფლებამოსილია ჩაატაროს ინსპექტირება ხელშეკრულების მოქმედების ნებისმიერ ეტაპზე, მათ შორის გეგმა-გრაფიკის გათვალისწინებით, რისთვისაც გამოყოფს უფლებამოსილ პირს, რომლებიც ამოწმებენ ხელშეკრულების მიხედვით ნაკისრი ვალდებულებების შესრულებას, მათ შორის: გეგმა-გრაფიკს, სამუშაოების შესაბამისობას პროექტთან და სამუშაოს ხარისხს, ხოლო მიმწოდებელი ვალდებულია ხელი შეუწყოს მას/მათ ინსპექტირების განხორციელების დროს.

11.2. შემოწმების შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყონებლივ წერილობით აცნობებს მიმწოდებელს წუნდების მიზეზების მითითებით;

11.3 გამოვლენილი დეფექტის ან ნაკლის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება მიმწოდებელს, საქართველოს კანონმდებლობით დადგენილი წესით;

11.4 ხელშეკრულების ინსპექტირებას განახორციელებს სპეციალურად განსაზღვრული ინსპექტირების ჯგუფი, ხოლო მიღება-ჩაბარების აქტის ხელმოწერას – სსიპ „ილია წინამძღვრიშვილის სახელობის საზოგადოებრივი კოლეჯის“ დირექტორი თეიმურაზ ასათიანი.

მუხლი 12. ფორს-მაჟორი

12.1. მხარეებს არ დაეკისრებათ პასუხისმგებლობა ხელშეკრულებით გათვალისწინებული ვალდებულებების შეუსრულებლობის, არაჯეროვანი შესრულების ან ვადის გადაცილებისათვის, თუკი შეუსრულებლობა გამოწვეულია ფორს-მაჟორული გარემოებებით.

12.2 ფორს-მაჟორი ნიშნავს ისეთ გარემოებებს, რომელთა არსებობის გამო მხარისათვის ობიექტურად შეუძლებელი იყო ხელშეკრულებით ნაკისრი ვალდებულებების შესრულება (სტიქიური მოვლენები, საომარი მოქმედება, ეპიდემია, კარანტინი, საბიუჯეტო ასიგნებების მკვეთრი შემცირება, მომსახურების მიწოდებაზე ემბარგოს დაწესება, სახელწიფო გადატრიალება, მორატორიუმი და სხვა).

12.3 ფორს-მაჟორული გარემოებების დადგომის შემთხვევაში ხელშეკრულების მხარემ, რომლისთვისაც შეუძლებელი ხდება ნაკისრი ვალდებულებების შესრულება, პირველი შესაძლებლობისთანავე, შეტყობინების ყველა შესაძლო საშუალებით, უნდა გაუგზავნოს ინფორმაცია მეორე მხარეს ასეთი გარემოებებისა და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით, აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებებისაგან.

მუხლი 13. ხელშეკრულებაში ცვლილებების და დამატებების შეტანა

13.1. ნებისმიერი ცვლილება ან/და დამატება ხელშეკრულებაში შესაძლებელია განხორციელდეს მხოლოდ წერილობითი ფორმით, ორივე მხარის უფლებამოსილი წარმომადგენლის ხელმოწერით.

13.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია 10 (ათი) დღით ადრე წერილობით შეატყობინოს მეორე მხარეს შესაბამისი ინფორმაცია.

13.3. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

13.4. საქართველოს სამოქალაქო კოდექსის 398-ე მუხლით გათვალისწინებულ შემთხვევაში, ხელშეკრულების ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

მუხლი 14. დავების გადაწყვეტა

14.1. ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკების გზით.

14.2. თუ ასეთი მოლაპარაკების დაწყებიდან 10 (ათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის შესაბამისად მიმართოს საქართველოს სასამართლოს.

მუხლი 15. ხელშეკრულების მოქმედების ვადა

15.1 ხელშეკრულება ძალაშია მხარეთა მიერ მისი ხელმოწერიდან და მოქმედებს 2016 წლის 31 დეკემბრის ჩათვლით.

მუხლი 16. სხვა პირობები

- 16.1. ხელშეკრულებით გაუთვალისწინებელი პირობები რეგულირდება საქართველოს კანონმდებლობით.
- 16.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე;
- 16.3. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით;
- 16.4. წინამდებარე ხელშეკრულება შედგენილია ქართულ ენაზე, სამ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან (ერთი პირი მიმწოდებელთან და ორი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე;

მუხლი 17. მხარეთა რეკვიზიტები

„შემსყიდველი“	„მიმწოდებელი“
სსიპ „ილია წინამძღვრიშვილის სახელობის საზოგადოებრივი კოლეჯი“	დასახელება:
მის: მცხეთა მთიანეთის რეგიონი, სოფ. წინამძღვრიანთკარი	მის:
საიდენტიფიკაციო კოდი: 236098851	საიდენტიფიკაციო კოდი:
სახელმწიფო ხაზინა	ბანკის დასახელება
კოდი: TRESGE22	ბანკის კოდი: GE22
ანგ. № 200122900	ანგ. № GE
ელ-ფოსტა: tmkcommunitycollege@gmail.com	ელ-ფოსტა:
ტელ: (995 32) 210 30 29	ტელ:
დირექტორი	წარმომადგენელი
თ. ასათიანი -----	

პრეტენდენტის შეთავაზება

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული/ფაქტიური მისამართი:

საიდენტიფიკაციო კოდი:

ტელეფონის ნომერი:

ელექტრონული ფოსტის მისამართი:

ბანკი:

ბანკის კოდი:

ანგარიშის ნომერი:

უფლებამოსილი პირის ხელმოწერა: